

Ո Ր Ո Շ ՈՒ Մ

Ճանապարհային ոստիկանության. վարչական տույժ նշանակելու մասին 11.11.2015թ. թիվ 1503844788 որոշումն անփոփոխ, իսկ վարչական բողոքն առանց բավարարման թողնելու մասին

<< 09 >> 12 2015թ. 17-4-25138

ք. Երևան

ՀՀ ոստիկանության Ճանապարհային ոստիկանության պետ, ոստիկանության գնդապետ Ա. Հակոբյանս, վերանայելով Հակոբ Հակոբյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Աթոյան փողոցի բնակիչ Հակոբ Հակոբյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 11.11.2015թ. թիվ 1503844788 որոշումը՝ նշելով, որ տվյալ հատվածում կանգառն արգելող որևէ նշան չկա:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտը վերանայելու հիմք հանդիսանալ հետևյալ պատճառաբանությամբ.

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 84 կետի 4-րդ ենթակետի համաձայն կանգառն արգելվում է հետիոտնային անցումների վրա և երթևեկելի մասի հետ հետիոտնային անցումների շփման եզրերից (դեպի երթևեկելի մասեր) 5 մ պակաս վայրում:

Վիճարկվող որոշման հիմքում դրված տեսանյութը փաստում է, որ դիմումատուին պատկանող տրանսպորտային միջոցը 02.11.2015թ. ժամը 15²³-ին կանգառ է կատարել Թամանյան-Իսահակյան փողոցների խաչմերուկի հատվածում՝ կանգառն արգելված հետիոտնային անցումի շփման եզրից 5 մ պակաս վայրում:

Այսպիսով հիմնավորվել է դիմումատուի կողմից Ճանապարհային երթևեկության կանոնների խախտում թույլ տալու փաստը, ինչի համար <<Վարչական իրավախախտումների վերաբերյալ>> ՀՀ օրենսգրքով սահմանված է վարչական պատասխանատվություն:


Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության. վարչական տույժ նշանակելու մասին 11.11.2015թ. թիվ 1503844788 որոշումը թողնել անփոփոխ, իսկ վարչական բողոքն առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակն ուղարկել Հակոբ Հակոբյանին և ՀՈՏՄԻԱ կենտրոն:



Ա. Հակոբյան